



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA TLATSETSO YA PELE (FAL)

PAMPIRI YA BORARO (P3)

HLAKOLA/TLHAKUBELE 2017

MATSHWAO: 100

NAKO: Dihora tse 2½

Pampiri ena e na le maqephe a 6.

DITAELO LE DIKELETSO HO MOHLAHLOBUWA

1. Pampiri ena e arotswe DIKAROLO TSE THARO, e leng:

KAROLO YA A:	Moqoqo	(50)
KAROLO YA B:	Ditema tsa kgokahano tse telele	(30)
KAROLO YA C:	Ditema tsa kgokahano tse kgutshwane	(20)
2. Araba potso E LE NNGWE KAROLONG E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Karolong e nngwe le e nngwe o tlameha ho etsa moralo wa ho ngola (ka ho iketsetsa mmapa wa monahano/daekramo/tjhate/lenane la dintlha tseo o tla ngola ka tsona). Boela o lekole botjha mosebetsi wa hao, o be o lokise diphoso. Moralo wa hao o tle/hlahe PELE ho tema e nngwe le e nngwe.
6. Mekgwaritso yohle e totobatswe hantle hore ke mekgwaritso ka ho habahanya/seha mola ho tloha hodimo ho ya tlase, NTLE LE nehelano e tlo tshwauwa.
7. O eletswa ho sebedisa nako ya hao tjena:

KAROLO YA A:	Metsotso e 80
KAROLO YA B:	Metsotso e 40
KAROLO YA C:	Metsotso e 30
8. Nomora dikarabo tsa hao feela jwalo ka ha dipotso di nomorilwe pampiring ya dipotso.
9. Ngola sehlooho se loketseng potso eo o e kgethileng.
10. Sehlooho se se ke sa balellwa ha ho balwa palo ya mantswa.
11. Ngola ka mongolo o makgethe o balehang.

KAROLO YA A: MOQOQO**POTSO YA 1**

Kgetha sehlooho SE LE SENG, mme o ngole moqoqo wa bolelele ba mantswe a 250 ho isa ho a 300. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo. Boela o lekole moqoqo wa hao botjha o be o hlaole diphoso.

- 1.1 Ho nkuwa ke maikutlo ha nkenya mathateng. [50]
- 1.2 Ha e sa le e le nna ke qala ho bona komello e tjena! [50]
- 1.3 Ho ba ngwana ya mong lapeng ho monate. Dumellana kapa o hanane le sehlooho sena. [50]
- 1.4 Lehlohonolo le bomadimabe ba ho ba moetapele. [50]
- 1.5 Ruri ke a e hopola titjhere eo ya ka ya poraimari. [50]
- 1.6 Sheba setshwantsho, mme o qoqe ka seo setshwantsho se se qholotsang maikutlong a hao. Neha moqoqo wa hao sehlooho.

1.6.1



[Se qotsitse le ho lokiswa ho tswa <http://www.google.co.za>]

[50]

1.6.2

[Se qotsitswe le ho lokiswa ho tswa <http://www.google.co.za>]

[50]

1.6.3

[Se qotsitswe le ho lokiswa ho tswa <http://m.the.globeandmail.com>]

[50]

MATSHWAO OHLE A KAROLO YA A:**50**

KAROLO YA B: DITEMA TSA KGOKAHANO TSE TELELE**POTSO YA 2**

Kgetha, mme o ngole tema E LE NNGWE ya bolelele ba mantswe a 120 ho isa ho a 150. Hopola ho etsa moralo. Boela o lekole tema ya hao botjha o be o e hlaole diphoso.

2.1 LENGOLO LA KOPO YA MOSEBETSI

Ngola lengolo la kopo ya mosebetsi, o ikopele mosebetsi o phatlalatsong e latelang.

Banka ya Mphedise-ke-o-phedise PHATLALATSO YA SEK GEO SA MOSEBETSI WA BOTHELARA Mokopi wa mosebetsi o lokela ho ba le tse latelang: • Lengolo la Kereiti ya 12 • Tsebo ya Dipalo/Akhaonting • Lengolo la Diploma/Dikrui • Bokgoni ba ho sebedisa khomputha • Boiphihlelo ba nako e ka etsang selemo Boikarabelo: • Ho buisana le basebedisi ba banka • Ho amohela le ho nehelana ka tjhelete • Ho nehelana ka tlhahisoleseding • Ho etsa mosebetsi e meng ya banka Bakopi ba mosebetsi ona ba ka romella dikopo tsa bona ho monghadi TFS Koloji, atereseng tse latelang: Aterese: P/Bag X392 Johannesburg 2000 Imeili : tfsko.p@mphedise.co.za Mohala: 011 956 3412/083 076 1567 Fekese: 011 695 3791 Letsatsi la ho qetela la dikopo: 06 Tlhakubele 2017

[30]**2.2 OBITJHUARI**

Motswalle wa hao o se a re siile. Ba habo ba o kopile ho ngola ka tsa bophelo ba hae. Ngola obitjhuari ya hae.

[30]**2.3 TEKOLOKAKARETISO**

O sa tswa shebella filimi eo o e ratang thelevesheneng. Ngola tekolokakaretso, mme o nehelane ka mehopolo le maikutlo a hao mabapi le yona.

[30]**2.4 PUISANO**

O ikemiseditse ho theha letlole la pokelletso ya dithuso ho thusa bana ba hlopheliheng sekolong sa heno. Ngola puisano e pakeng tsa hao le modulasetulo wa Lekgotla la Tsamaiso ya Sekolo malebana le taba ena.

[30]**MATSHWAO OHLE A KAROLO YA B:****30**

KAROLO YA C: DITEMA TSA KGOKAHANO TSE KGUTSHWANE**POTSO YA 3**

Kgetha mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo. Boela o lekole tema ya hao botjha o be o hlaole diphoso.

3.1 PAMPITSHANA YA TLHAHISOLESERING

O kgalala ya mehleng dipapading, mme o rata ho thusa baithuti ba dikolo tse phahameng ho ntshetsa pele ditalente tsa bona. Ngola pampitshana ya tlhahisolesering eo ho yona o tsebisang baithuti ka ditshebeletso tseo o nehelanang ka tsona.

[20]**3.2 DAYARI**

O e mong wa ba hlophisetsang mokete wa Letsatsi La Botjhaba sekolong sa heno. Ngola dayari ya matsatsi a mararo a ditlhophiso.

[20]**3.3 DITSHUPISO**

Motseng wa heno ho na le ntlo e sebediswang hampe ke ditlokotsebe. Ngolla mapolesa ditshupiso tsa ho ya ntlong eo. Ditshupisong tsa hao bua ka tse latelang:

- Mabitso a diterata
- Poso ya Lengau
- Tiliniki ya motse
- Sekolo sa Borata
- Lebala la dipapadi

[20]

MATSHWAO OHLE A KAROLO YA C:
MATSHWAO OHLE A PAMPIRI ENA:

20
100